

Destination East Greenlandimut Kiffartuussinissamik isumaqatigiissut

Aalajangiiffigisassaq

J.nr: 66.15-A00-30-18

Suliffeqarfimmut Kiffartuussivik - kommunaldirektøri Lars Møller-Sørensen / LMS

Suliassamik eqikkaaneq

Ineriartortitsinermut Piujuartitsinermullu Immikkoortortap Aningaasaateqarfik Destination East Greenlandip aamma Kommuneqarfik Sermersuup 2019-imut kiffartuussinissamik isumaqatigiissutaata Ataatsimiititamit akuerineqarnissaa inassuteqaatigineqarpoq. Kiffartuussinissamik isumaqatigiissuteqarnermi Tunumi takornariaqarnikkut siursaataasumik suliaqarnermik tapersersuinissaq siunertaavoq.

Aningaasaqarnermut Inuussutissarsionermullu Ataatsimiititap 2018-imi novembarip ulluisa 8-ianni ataatsimiinnermini suliaq akuersissutigivaa Kommunalbestyrelsimullu inaarutaasumik akuersissutigisassanngorlugu ingerlatseqqillugu.

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- Kommuneqarfik Sermersuup aamma Aningaasaateqarfik Destination East Greenland-ip 2019-imi kiffartuussinissamut isumaqatigiissutaat akuersissutigineqassasoq

Suliassamik saqqummiussineq

Aningaasaateqarfik Destination East Greenland (DEG) aningaasaateqarfiuvoq Kommuneqarfik Sermersuupit pilersinneqartoq, Tasiilami eqqaanilu takornarianik paasissutissiisarnissaq takornarialerinemilu ineriartortitsinermik isumagittussatut. Taamaatumik kommune DEG-mik kiffartuussinissamik isumaqatigiissuteqarpoq ukiut tamaasa isumaqatigiinniutigineqartussamik. Oktobarip aallaqqaataani 2018-imi Ineriartortitsinermut Piujuartitsinermullu Immikkoortortap Destination East Greenlandip isumaqatigiissutissatut siunnersuut pissarsiaraa. Siunnersuut tunngavigalugu Ineriartortitsineq Piujuartitsinerlu pillugit immikkoortortap, maanna ukioq 2019-imut kiffartuussinissamik isumaqatigiissutissatut siunnersuusiorpoq.

DEG-ip kiffartuussinissamut isumaqatigiissummik naammassinninnissaanut atatillugu ersarissumik periuseqarnissaq qulakkeerutaassumik aalajangersakkanik kiffartuussinissamut isumaqatigiissut imaqarpoq. DEG pisussaaffeqarpoq qaammatit pingasukkaartumik Ineriartortitsineq Piujuartitsinerlu pillugit immikkoortortamut nalunaarusiussalluni, tassanilu suut suliarineqarnersut allaaserineqassapput. DEG aaqqissuussanik, kiffartuussinissamik isumaqatigiissutaasimasunik, ingerlatsinnigikkaangat kiffartuussinissamut aningaasaliissutit ilanngarneqartassapput, taamaalilluni aaqqissuussat naammassineqarpata naammassineqarsimappatalu akiliineq aatsaat 2019-ip naannginnerani pisinnaassaaq.

2019-imi kiffartuussinissamik isumaqatigiissummi piumasaqaataavoq, DEG Tasiilami eqqaanilu takornariaqarnikkut siursaataasunik arlalinnik suliaqassasoq:

- Ukiuunera aasaaneralu tamaat takornarianut paasissutissiisarneq ammatissallugu, kiisalu mailikkut assigisaatigullu paasissutissiisarneq
- Takornarianut paasissutissaliorneq
- Tunup nittartakkat Facebookkilu aqqutigalugit internetsikkut nittarsaannissaa
- Kulusummi takornarianut paasissutissiineq
- Saqqummersitsinerni peqataaneq (immikkoortoq nutaaq)

2019-imut Kiffartuussinissamik isumaqatigiissummut siunnersuut kiisalu DEG-ip 2019-imut kiffartuussinissamut isumaqatigiissummut najoqqutassialiaa suliamut ilanngunneqarput.

DEGp 2018-imi suliaasa killiffiat

Kiffartuussinissamik isumaqatigiisut naapertorlugu suliassat aalajangersimasut

- Takornarianut tamanut paasissutissiisarneq
- Takornarianut paasissutissiisutininik suliaqarneq
- DEGp aamma Arctic Artip nittartagaanik facebookikkullu nittartagaanik aserfallatsaaliineq nutarterinerlu.

Sulisussarsiornermi ajornartorsiuteqarneq pissutigalugu, Kulusummi takornarianut paasissutissiinissaq iluatsinngitsoorpoq. Tamassuma 2019-imi allanngortinnissaa naatsorsuutigineqarpoq, angut inuusuttoq Kujataani takornarialerinerlut ilinniaqqammerluni Kulusummut angerlaqqammermat.

Ataatsimeersuarnerit, saqqummersitsinerit suleqatigiinnerillu

- Saqqummersitsinerni ukunani peqataapput: Vestnorden Travel Mart, MidAtlantic*
- Nunat Avannarliit Killiit Siunnersuisoqatigiivisa nungusaataannngitsumik takornarialerineq pillugu ataatsimeersuartitsineranni peqataaneq
- Visit Greenland suleqatigalugu nittarsaassinermik ineriartortitsineq suliaralugu
- Kalaallit Nunaanni tikitassat assigiinngitsut akornanni suleqatigiinnissaq siunertaralugu katerinnermi peqataaneq*
- Aasaanerani katersugaasiviup ammatitarnera Tasiilaq Tours suleqatigalugu

Suliniutit

- Apummik sisoorneqartillugu iliuusissat pillugit snescooterertartut peqatigiiffiata aaqqissugaanik aningaasaliissuteqarneq
- Nunaqarfinni takornarialerineq pillugu isumasioqatigiissitsineq*
- Tummeqqat immamut atasut Kulusuk aamma Tinit*
- Tasiilami qamutit issiaartarfii*
- Nunakkut arpatsitsineq -Trail Race - pilersinneqarpoq Island-imeersumik suleqateqarluni*
- Ulannaq Ingemannip aamma youtubertartut tuluit nunaanneersup assilisaanik takutitsineq*

*Kommunip Tunumi takornarialerinerlut aningaasaliissutaanit aningaasalersorneqartumik

Aaqqiissutissatut siunnersuut – suliatigut naliliineq

DEGp 2019-imut kiffartuussinissamik isumaqatigiisutissatut siunnersuutaani, kiffartuussinissamik isumaqatigiisutissamut suliassat marluk nutaat ilanngunneqarput siulleq saqqummersitsinerlut peqataaneq aappaalu nunaqarfinni takornarialerineq pillugu isumasioqatigiissitsinerit. Taamaattumik suliassat tamakku akissaqartinniarlugit kiffartuussinissamut aningaasat atugassat 183.050,00 koruuninut amerleqquneqarput.

Saqqummersitsinerni peqataasarnissamik kissaateqarneq siorna ataatsimiititap aalajangerneranut naapertuummat, DEG aalajangersimasumik VestNorden Travel Mart(VNTM)-imi peqataassasoq pillugu, tamassuma kiffartuussinissamik isumaqatigiissummut ilanngunneqarnissaa isumatusaarnertut nalilerneqarpoq. MidAtlantic-messen VNTM assigaa, annertunerujussuullunili aammalu nunanit tamalaanit amerlanerujussuarnit peqataaffigineqartarluni. Taamaattumik Tunup takornarianit ornigarluarneqarnissaanik nittarsaassinissamut taanna atorluarneqarsinnaasoq nalilerneqarpoq. Saqqummersitsineq taanna aamma DEG-mi suliniummik pilersitsisoqarneranik kinguneqarpoq, tassalu Islandimeersumik suleqateqarluni nunakkut arpatsitsisoqartalerluni.

DEGp kiffartuussinissamik isumaqatigiisuteqarfiginerani saqqummersitsinerlut peqataasalernissaa eqqarsaatigalugu aningaasaliissutit amerlineqarnissaat kissaatigineqarpat Tunumi takornarialerinerlut aningaasaliissutinit taakku nuutinnissaat innersuussutigineqarpoq, tassami aningaasaliissutinut taakkunungarpiaq suliassat tamakku siornatigut qinnuteqaatigineqartarnikummata.

Takornarialerinermi isumasioqatigiissitsinerit najukkani takornarialerisunut tunngasuupput, taakkunanilu avataaneersunit Tasiilaliartillugit saqqummiussisoqartarpoq, assersuutigalugu takornarialerinerimik misilittagallit namminersorlutik ingerlatsisut saqqummiussisorisarlugit. Isumasioqatigiissitsineq ukiut tamaasa ingerlanneqartassanersoq erseqissumik eqqaaneqanngimmat, suliassarlu suliniutitut isikkoqarmat, immikkoortup taassuma isumaqatigiissummit peerneqarnissaa, taarsiullugulu Tunumi takornarialerineritut aningaasaliissutinit aningaasalersorneqarnissaa innersuussutigineqarluni.

Kiffartuussinissamik isumaqatigiissut isumasioqatigiinnermi peqataanissamut tunnganani saqqummersitsineritut peqataanissamik imaqarpat, kiffartuussinermi aningaasaliissutit 84.000,00 koruuninik amerlinerinik kinguneqassaaq.

DEGp qaammatit pingasukkaarlugit nalunaarusiai naapertorlugit uuttuisinnaanermik annertusitsillunilu DEGp suliaanik ersarinnerulersitsissasoq nalilernerqarpoq. Aammalu ingerlatsiviup nalilerpaa, DEG-ip aamma Kommuneqarfik Sermersuup kiffartuussinissamik isumaqatigiissutaat Tunumi takornariaqarnermut pitsaasumik sunniuteqarumaartoq, tamannalu aamma inuussutissarsiornermut innuttaasunullu sunniuteqarluassaaq. Aammattaq Ineriartortitsineq Piujuartitsinermiillu nalilernerqarpoq, kiffartuussinissamik isumaqatigiissut suleqatigiinnissamut isumaqatigiissummi qitiutinneqartunut naapertuuttuusoq, uani kommune tamakkerlugu takornariaqarnikkut inuussutissarsiornerup siuarsarneqarnissaanik peqataasariaqarneq eqqarsaatigalugu.

Aningaasaqarnikkut sulisoqarnikkullu naliliinerit

2019-imut kiffartuussinissamut aningaasaliissutissat 574.000,00 koruuninik amerlassuseqarput 84.000,00 koruuninilu amerliliiffigineqarlutik. Tamatumunnga pissutaavoq kiffartuussinissamik isumaqatigiissummut immikkoortoq nutaaq "saqqummersitsinerni peqataaneq" ilanngunneqarmat, taannalu 84.000,00 koruuninik aningaasartaqarmat. Kiffartuussinissamut aningaasaliissutit amerlineqarnissaat akuerineqassappat, aningaasat Tunumi takornarialerinermut aningaasaliissutinit nuutinneqarnissaat siunnersuutigineqarpoq, taakkulu maannakkut ukiumut 689.000,00 koruuninik aningaasartaqarput.

Inatsisitigut tunngavissaq allakkallu tunngaviusumik uppernarsaatitallit

Inuit Ataqaatigiit Demokratillu 2017-imiit 2021-mut suleqatigiinnissamut isumaqatigiissutaat Kommunit inuussutissarsiuutini il.il. aningaasaliinermikkut inuussutissarsiuutini ineriartortitseqataanissaminnut periarfissaat pillugit Inatsisartut Inatsisaat nr. 23, 18. decembari 2003-meersoq.

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq.

Ingerlariaqqinnissaq

suliaq akuersissutigisassanngorlugu Kommunalbestyrelsimut ingerlateqqinneqassaaq.

Akuersissutigineqareerpat isumaqatigiissut naapertorlugi kiffartuussinermut akileeqataassutissaq 2019-ip ingerlanerani kittaarlugi DEG-mut tunniunneqartalissaaq, taarsiullugulu DEG sulinertik pillugu utimut qaammatit pingasukkuutaarlugit nalunaarusiortassapput.

Aningaasaqarnermut Inuussutissarsiornermullu Ataatsimiititamit DEG-imut kiffartuussinissamik isumaqatigiissut 2019-imoortoq akuerineqarpat, DEG-ip aqqissuussai ataavartumik kvartalikkuaartumik nalunaarusiatigut Ataatsimiititaq ilisimatinneqartassaaq. Qaammatit pingasukkuutaarlugit nalunaarusiat ukununnga tunngasut kvartalit 1, 2 aamma 3 ilanngunneqarput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqatigiinneq

Soqanngilaq

Ingerlatsivinnit allanit oqaaseqaatit
Soqanngilaq

Siusinnerusukkut aalajangerneq

Aningaasaqarnermut Inuussutissarsiornermullu Ataatsimiititap aalajangernera 8. novembari 2018-imeersoq:

Inassuteqaatit akuersissutigineqarput.

Ilanngussaq

1. Kommuneqarfik Sermersooq aamma Destination East Greenland 2019-imi kiffartuussinissamik isumaqatigiissutissaatut siunnersuut.
2. Kommuneqarfik Sermersooq (KS) aamma Aningaasaateqarfik Destination East Greenland (DEG) 2019-imi kiffartuussinissamik isumaqatigiissutaannik saqqummiussaq
3. DEG-ip 2019-imut kiffartuussinissamik isumaqatigiissutitut saqqummiussaa.
4. 4 1 DEGp qaammatinut pingasunut siullernut nalunaarusiaa
5. 5 DEGp qaammatit pingasut tullinut nalunaarusiaa
6. 6 DEGp qaammatit pingasut pingajuannut nalunaarusiaa